

Խանձանօք Յակոբ վարդապետ առ գլխաւորս ազգին՝ ընտրել զարժանաւոր ոք Պատրիարք Աթոռոյն, զի մի խաւառ նախատեսցի ազգն առաջի օտարաց, որպէս թէ չիցէ ոք արժանաւոր այնմ պատուոյ: Նախ քան զայս ջանիւք եւ աշխատութեամբ գլխաւորաց ազգին Արքունի հրովարտակաւ թեթեւացեալ էր բռնութիւն եւ հարկաւորահանջութիւն Կուսակալին Գամասկոսի, եւ սահմանեալ էր տալ իւրաքանչիւր ամի միայն 4000 դահեկանս. զայն տեսեալ Կուսակալին եւ Քաղաքապետին Երուսաղէմի՝ հնարիւք պատճառս որոնէին կողոպտել զՀայս. զի 'ի նախընթաց ամի 'ի պատճառս կռուոյ իմիք Յունաց ընդ Լատինաց՝ առաքեաց Ոստիկանս և մատնեաց զնոսս 'ի տուգանս, եւ ոչ գտեալ պատճառս՝ զնոյն առնել եւ Հայոց. նախկին Քաղաքապետն Երուսաղէմի ետ քակել 'ի գիշերի զչորս քարինս 'ի պարսպէ Ս. Փրկչի վանաց, Հայք բողոքեցին առ Գատաւորն եւ առ նա ինքն, և հրամանաւ նոցին եդին զքարինս 'ի տեղիս իւրեանց. զայս լուեալ Կուսակալին գրեաց յԵրուսաղէմ, թէ առանց հրամանի իմոյ չինեալ են զայն, որոյ վասն խնդրէր զգումարս դրամոց, և սպառնայր քակել զպարիսպն. նեղեալ Հայոց ետուն 25,000 դահեկան և հազիւ զերծան 'ի ձեռաց նոցա:

Ի սմին ամի հանդերձեալ էր Բդեշխն ինքնին ելանել և ժողովել զհարկս երկրին, և զի Յոյնք և Լատինք ակն ունէին առաջի նորա դատիլ վասն հակառակութեանց իւրեանց, նմին իրի եւ Հայք անկեալ էին 'ի կասկածանս, դուցէ հնարիւք և 'ի նոսս արկցէ զձեռն, որպէս արարեալ էր յառաջագոյն. ուստի աճապարեալ Խորհրդականաց զըրեցին առ Պատրիարքն և առ գլխաւորս ազգին առնուլ զերկուս յանձնարարական գիրս, զմին առաքել առ Բդեշխն և զմիւսն յղել առ Խորհրդականս, զի 'ի գալստեան նորին մատուցեն զայն, զի մի նեղեսցէ զնոսս ընդդէմ Կայսերական հրամանին, և թերեւս ապրեսցին 'ի հնարից նորին:

Իսկ նոր Քաղաքապետն Երուսաղէմի 'ի չրջանի 7 ամսոց առեալ էր միայն 'ի Հայոց 14,000 դահեկան, երբեմն ընծայ և երբեմն սպառի. սոցին վասն աղաչէին զնոսս չառ-